



أنا اللي



( أشعار )

إن غاب القط

أنا اللي .. معنتش لاقى كلام  
و بقيت أكتب أي حاجه و السلام  
نفسيه حايره ومحبطه  
ودماغي تايهه ملخبطه  
فاكر اني أديب و كاتب  
اتاريني كاتب شخبطه



أنا اللي

أنا اللي بختي مال  
وانا اللي عمري اتسرق  
و حبر قلمي سال  
وغطّي كل الورق  
شعري بقي لخبطة  
وحروفه مش باينه  
بقرا الآمال بالآلام  
والقلب أصبح قلق  
والله بختي مال  
وعمرى يايا اتسرق



# أنا اللي

انا اللي .. طيب و مسامح  
و قلبي راضي و متصالح  
و كل ما جي و أقول أنسى  
ألاقينى ناسى من امبارح



# أنا اللي

أنا اللي مش عارف أحسب

حساب الظروف

وأنا اللي خايف يدوب أكتب

مجرد حروف

وأنا اللي بلوم نفسي

ومن نفسي أنا مكسوف

وأنا اللي بشوف بكره

وياعيني سلامة الشوف



# أنا اللي

أنا اللي قلبي سكن  
وأنا اللي عيني ضي  
من كتر ظلم الزمن  
وناااا ما لها زي  
ل عيني جبت الكفن  
وقلبي دفنته حي



# أنا اللي



( أشعار )

إن غاب القط

أنا اللي طول عمري  
بحب الناس  
ولا عمري بزعل حد  
ومحافظ علي الاحساس  
صحيح و الله و بجد  
لكن في نفسي سؤال  
ومش عاوز جواب أو رد  
ليه لما بكون محتاج  
ألاقينى فى حاره سد



# أنا اللي

أنا اللي بعامل الناس  
وباتعامل مع دينهم  
وبالعقل و الاحساس  
باعرف معادتهم  
ادخل عقول وقلوب  
من غير ميعاد منهم  
قلوب ماليها الخير  
ودول ما عاد منهم  
ونفوس ما ليها في خير  
خلونا بعاد عنهم



# أنا اللي

انا اللي طول عمري

كاتم في نفسي

ولا مره اشتكيت

وانا اللي نفسي

يا ناس أبكي

ولا مرة بكيت

ودموعي

من الحبسه

بقت يائسه

تشوف النور

وجروحي

مابتنامشي

يدوب أمشي

بتملي بحور

ليه علي الجرح  
نتكى كده و ندوس  
وليه الفرح  
والضحكة مايتقبلوش  
وليه الخلق ظالماني  
كده علي طول  
دا حتي الظلم  
يا خواننا  
لازم له أصول  
أنا باخد كل أحزاني  
في حضني وابات  
طب ليه يا دنيا  
قاصداني  
أنا بالذات

ماتيجي يا دنيا  
نتصالح  
وماتكسفينيش  
وننسي اللي جرا  
امبارح  
بقي و نعيش